

Museo Antigüedad & Herencia Cultural ta informa

Set di camber traha na cuminsamento di siglo 20 a ser obsekia pa sra. Cecilia Frigerio

ORANJESTAD - Algun siman pasa Museo Antigüedad & Herencia Cultural Aruba a ricibi un yamada cu a resulta hopi fructifero pa museo. Ta trata aki di un famia Arubano cu kier pone parti di historia di nan antepasado den man di museo di Fundacion Juan Mario Odor.

Den weekend cu a pasa Museo Antigüedad Aruba a ricibi un set di camber traha na cuminsamento di siglo 20. Sra. Cecilia Frigerio a

relata cu e set di kamber aki ta pertenese na su abuela, Sra. Nelly Arends – Neumans, q.e.p.d.

Sra. Nelly – Neumans a nace na año 1895 na Panama y a casa na Aruba na 1913. Sra. Nelly a casa cu ruman homber di ex-gezaghebber Eric Arends e tempo ey. Mester añadi cu e set di cama aki ta e regalo di boda cu e pareha aki a ricibi di nan mayornan. E set di kamber special aki a ser traha



na Panama al rededor di 1912 y a ser transporta pa Aruba via barco na 1913 pa e felis pareha cu a contrae matrimonio na un Aruba hopi diferente y remoto. Fundacion JMO ta pidi tur

famia na Aruba cu tin ainda obheto valioso pa historia di nos antepasado y cu nan no tin lugar pa esaki, pa porfavor no tira esakinan afo pero trece na Museo Antigüedad & Herencia Cultural. Por yama

libremente na 582 – 8831 pa trece obhetonan na nos depot cu ta situa na Timbalstraat 11. Un palabra di gratitud na tur persona cu ta tuma e actitud di warda e obhetonan aki enbes di tiranan afo.